

# Universitätsbibliothek Paderborn

## **Instructio practica ...**

Institutiones Qvintvplicis Theologiæ - Positivæ videlicet, Asceticæ,  
Polemicæ, Speculativæ, & Moralis complectens, Unà cum Appendice  
Methodum compendiariam reformationis Ecclesiasticæ à Concilio  
Tridentino factæ continente

**Lohner, Tobias**

**Dilingæ, 1679**

Tit. I. De Nomenclatione S. Scripturæ.

[urn:nbn:de:hbz:466:1-48233](#)

TITULUS I.

DE NOMENCLATIONE  
S. SCRIPTURÆ.

Variis quidem nominibus appellari consuevit S. Scriptura, sed quæ omnia idem significant; solumque rationes & effectus varios occulte insinuant, ob quas hæc vel illa Nomenclatio libro S. Scripturæ sit data.

Et primò quidem ac ordinariè Scriptura appellatur in plurali vel singulari numero, eo quod ipsa præ reliquis libris digna fuerit, ut scriberetur, & legeretur, atque adeò per Antonomasiam Scriptura dici mereatur. Additur tamen frequenter etiam Sacra aut Sancta, tum ob ipsius Authoris, scilicet Spiritus Sancti sanctitatem; tum quia in se sancta est, & ad ipsos etiam Homines sanctificandos ordinata.

Secundò. Eadem Scriptura etiam Bibliorum Sacrorum nomen accepit, quod itidem per Antonomasiam illi convenit, ac apud Latinos idem ac Libri sancti significat, quo in sensu Author Libri Machabæorum l. 1. c. 12. eos accepit, dum dicit: *Habentes solatio sanctos libros, qui sunt in manib[us] nostris.* Cur autem in plurali numero Biblia vocentur ratio est; quia totum Scripturæ Sacrae volumen variis in se libellos continet, utrūq[ue] infra dicetur: interdum tamen apud Latinos unus Liber appellatur, uti S. Augustinus in *Psalm. 150.* his verbis testatus est: *Sunt, qui universas Scripturas Canonicas unum Librum vocant, quod valde mirabiliter & divina unitate concordent.*

Tertiò. Etiam Scriptura Canonica appellatur, tum à S. Augustino l. c.; tum à Concilio Tridentino Sess. 4.; eo quod Libri, quos continet, in Sacrorum Librorum Canonem ab Ecclesia sint recepti; & quia recte vivendi ac credendi Canonem seu normam exhibent; & præterea etiam sunt regula, ad quam omnes aliæ Scripturæ examinari, dirigi, & conformari debent.

Quarto. Eadem S. Scriptura frequenter *Testamenti* nomine exprimitur; quæ Nomenclatio, teste Menochio l. 1. proleg., duplice ex titulo ei attribuitur, nempe & quia genera-

*De Definitione S. Scripturæ.*

4  
tim Mentem ac Voluntatem DEI manifestat, & testatur; &  
quia speciatim varia DEI cum Hominibus foedera, pacta quæ  
de terrenis, cœlestib[us]que bonis, de præceptorum & cœ-  
moniarum observatione præmio, ac pena patefacit; quam  
ob causam etiam *Instrumentum* interdum à SS. Patribus vo-  
cari consuevit, licet alii etiam ideo *Instrumentum* appella-  
tum existimant, eò quod à DEO tanquam Organum adhi-  
beatur ad divinas revelationes Hominibus communicandas  
virtutēsque imprimendas.

Quintò denique S. Paulus Rom. 3. & S. David S. Scriptu-  
ram vocant *Eloquia DEI*; quia, ut Salmeron c. i. proleg-  
ait, verè per illa tanquam certissima quædam oracula DEV-  
nos alloqui dignatus est, suāmque nobis mentem ac promi-  
tiones afferere voluit; & præterea S. Scripturæ præcipue con-  
veniunt illæ proprietates, ac præconia, quæ S. David Ps. 11  
*Eloquii DEI* attribuit dicens: *Eloquia Domini eloquia cassa*  
*argentum igne examinatum, probatum terra, purgatum,*  
*piplum.*

**TITULUS II.**

**D E D E F I N I T I O N E**  
**S. S C R I P T U R Ā.**

**U**T h[ic] definitio facilius assignetur, necessariò priùs ob-  
jectum S. Scripturæ indagandum est: cùm enim quæ  
definitio genere & differentiâ constare debeat, differentia  
autem scientiarum aut cognitionum ex respectu ad objectum  
desumatur, meritò ejusmodi objectum ante omnia alia in-  
quiritur.

Porro de hoc S. Scripturæ objecto non omnes Comme-  
tatores æqualiter discurrunt. Cornelius de Lapide §. 1. cap.  
proœm. n. 12. sic loquitur: *Vis verbo dicam? S. Scriptura ob-  
jectum habet omne scibile, omnes disciplinas, & quidquid pos-  
t potest, sive suo complectitur, ideoque universitas quedam  
scientiarum, scientias omnes vel formaliter, vel eminenter co-  
tinens.* In cuius suæ opinionis confirmationem adducit se-  
tentiam Originis in cap. 1. S. Joan. sic discurrentis: *Divis  
Scriptura Mundus est intelligibilis suis quatuor partibus, vel  
quatuor elementis constitutus; cuius terra est velut in mo-*